

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ
OPĆINSKI NAČELNIK



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MAYOR

NACRT

**PROGRAM ZBRINJAVANJA PASA LUTALICA
ZA 2017. GODINU**

Maglaj, april, 2017. god.

OPĆINSKI NAČELNIK
Mirsad Mahmutagić

U skladu sa Zakonom o komunalnim poslovima („Sl. novine Ze-do kanton“ broj: 17/08) članom 3. tačka 1. stavak 1) definisana je djelatnost zajedničke komunalne potrošnje obavljanje kafilerijskih usluga , te na temelju člana 8. Zakona o principima lokalne samouprave, („Sl. novine FBiH“ broj: 49/06), u Budžetu/Proračunu Općine Maglaj za 2017. godinu predviđena su sredstva u iznosu od 30.000,00 KM za zbrinjavanje pasa lotalica u sklonište za životinje – namjenska sredstva

PROGRAM ZBRINJAVANJA PASA LOTALICA SA FINANSIJSKIM POKAZATELJIMA ZA 2017. GODINU

I Uvod

Zakonom o dobrobiti životinja BiH („Sl.novine broj 25/09) poglavljem“Zaštita napuštenih i izgubljenih životinja“ član 27. , 28. , i 29. definisan je način zaštite i smještanje u sklonište putem higijenskog servisa napuštenih životinja – pasa lotalica.

Veliki broj napuštenih životinja (pasa lotalica) nalazi se na ulicama našeg grada i naseljenih mjesta što je rezultat napuštanja pasa od strane vlasnika, kao i izgubljenih životinja koje vlasnik traži. U borbi za goli život, kao posljedica dolazi do nekontrolisanog razmnožavanja.

Postoje podaci koji govore da samo za šest godina par plodnih pasa i njihovo potomstvo, u optimalnim uslovima može dati čak 67 000 štenadi.

S ciljem zaštite zdravlja i veće bezbjednosti građana i zaštite napuštenih i izgubljenih pasa potrebno je osigurati saradnju sa Veterinarskom organizacijom u vezi provedbe kastracije, sterilizacije i obilježavanja napuštenih i pasa lotalica.

II Cilj Programa

Cilj ovog programa je zaštita zdravlja i veća bezbjednost građana, kao i zaštita napuštenih i izgubljenih pasa sa udomljavanjem i smještaju u sklonište za životinje.

Registracijom svih napuštenih pasa i sprovođenjem kastracije i sterilizacije pasa bi se uveliko smanjio broj pasa na ulicama, a time i posljedice sa kojima se susrećemo. Uz pomoć Veterinarske stanice, pokušati dijagnosticirati zarazne bolesti kod pasa lotalica koje se mogu prenijeti na ljude, i izvršiti cijepljenje protiv bjesnoće.

Sprovođenjem navedenih aktivnosti spriječila bi se ekspanzija tužbi građana zbog ujeda pasa, koje iz općinskog budžeta povlače značajna sredstva.

III Mjere zbrinjavanja pasa lotalica

Da bi smanjili broj pasa lotalica sa područja općine Maglaj potrebno je pored registracije, kastracije i sterilizacije obezbijediti smještaj u najbliže sklonište.

Dosadašnji način smještaja u azil pasa preko udruženja „Pas“ Tešanj je rezultirao smanjenjem broja na ulicama, s tim da bi se u narednom periodu trabao vršiti u kontinuitetu u toku cijele godine.

IV Prijedlog rješenja

Za realizaciju Programa zbrinjavanja pasa za 2017. godinu u okviru opredijeljenih budžetskih sredstava u iznosu od 30.000,00 KM potrebna su :

- sredstva za rad i to:


sajle za hvatanje, ogrlice i povodci, brnjice, mreže za hvatanje, mreže sa olovnim kuglicama , zaštitne rukavice za bjesnilo ,zaštitna odijela, radne uniforme (ljetnje i zimske) , zamke za

pse (metalni kavezi sa pokretnim vratima), duvaljka za izbacivanje injekcija za privremeno uspavljivanje, injekcije za privremeno uspavljivanje.


- ljudski resursi – osoblje zaduženo za hvatanje i zbrinjavanje pasa i veterinari
- ishrana pasa u skloništu
- udomljavanje pasa sa potrebnim vakcinisanjem od zaraznih bolesti, bjesnila i parazita
- trajno uspavljivanje putem Veterinarske stanice
- ukop uspavanih pasa

Svi navedeni radovi bi bili zastupljeni u Projektu koji bi otpočeo sa realizacijom nakon potpisivanja Ugovora sa izabranim izvršiocom radova.

Obrađivač

Nermina Starčević 

Kontrolor

Fuad Hajrulahović 

OPĆINSKI NAČELNIK
Mirsad Mahmutagić





U skladu sa Zakonom o komunalnim poslovima („Sl. novine Ze-do kanton“ broj: 17/08) članom 3. tačka 1. stavak 1) definisana je djelatnost zajedničke komunalne potrošnje obavljanje kafilerijskih usluga, te na temelju člana 8. Zakona o principima lokalne samouprave, („Sl. novine FBiH“ broj: 49/06), u Budžetu/Proračunu Općine Maglaj za 2016. godinu predviđena su sredstva u iznosu od 15.000,00 KM za zbrinjavanje pasa lualica u sklonište za životinje – namjenska sredstva

IZVJEŠTAJ O REALIZACIJI PROGRAMA ZBRINJAVANJA PASA LUTALICA ZA 2016. godinu

I Uvod

Pod obavljanjem kafilerijskih usluga podrazumjevaju se poslovi stalnog i sigurnog uklanjanja životinja, pasa lualica, lešina životinja, određenih nusproizvoda klanja, konfiskata i valioničkog otpada sa javnih površina.

Na osnovu Zakona o dobrobiti životinja BiH („Sl. novine broj 25/09) poglavljem „Zaštita napuštenih i izgubljenih životinja“ član 27., 28., i 29. definisan je način zaštite i smještanje u sklonište putem higijenskog servisa napuštenih životinja – pasa lualica.

S ciljem zaštite zdravlja i veće bezbjednosti građana i zaštite napuštenih i izgubljenih pasa, Općina Maglaj je za 2016. godinu zaključila Ugovor o sufinansiranju Projekta zbrinjavanja pasa iz općine Maglaj sa Udruženjem građana „Pas“ Tešanj.

II Predmet ugovora

Sufinansiranjem Projekta zbrinjavanje pasa lualica, sa Udruženjem građana „Pas“ Tešanj zaključen je Ugovor broj: 01-49-344/16 od 07.03.2016. godine u iznosu od **25.000,00 KM**. Zbrinjavanje napuštenih pasa, i pasa lualica podrazumjeva je poslove hvatanja, odvoza i smještaj u sklonište pasa, samo iz urbanog dijela općine, dok se u ruralnim naseljima taj problem nije rješavao. Na području općine prisutan je problem napuštenih pasa i pasa lualica i postoje pritužbe građana na napad i ugriz pasa. Nije bilo saradnje sa Veterinarskom organizacijom u vezi provedbe kastracije, sterilizacije i obilježavanja napuštenih i pasa lualica. U toku 2016. godine projekat je realizovan u potpunosti. Intervencije su bile u 2 puta sedmično, odnosno 96 puta na godišnjem nivou sa 3 uhvaćena psa u prosjeku po intervenciji, pa je oko 300 pasa u 2016. godini odvezeno u sklonište.

III Mjere smanjenja pasa lualica

Da bi smanjili broj pasa lualica sa područja općine Maglaj potrebno je sačiniti Program kontrole i smanjenja pasa lualica.

Programskim aktivnostima planirati registraciju broja napuštenih pasa na općini Maglaj, te sterilizaciju i kastraciju pasa u saradnji sa Veterinarskom stanicom.

Sprečavanjem razmnožavanja pasa uveliko bi se umanjio broj napuštenih pasa, čime bi se povećala sigurnost građana naročito djece na ulicama našeg grada.

Obrađivač

Nermina Starčević

Kontrolor

Fuad Hajrulahović

OPĆINSKI NAČELNIK

Mirsad Mahmutagić